

۲۱ ذی الحجه ۱۳۳۰

صلی

۲۸ تشرین اول ۱۳۳۰

تلفون ۱۰۹۷

امور اداره و تحریریه و اعلانات و ساثره
ایچون مدیر مشوله مراجعت ایدلیدر .

عرفای امتک مقالات متصوفانه لاینه
جریده صوفیه نک صحیفه لری آچیتدر .
درج ایدلیان اوراق اعاده ایدلر .

جریده صوفیه

شیمدیلاک هفته ده بر نشر اولنور .

ابونه سی: برسنه ک اعتباریه ممالک صباهیه
ایچون پشین اوله رق ۴۰ آلتی آیلنی ۲۰
غروش و ممالک اجنبیه ایچون اون ایکی فراتقدر

محل اداره باب طالی جوارنده ابوالسعود
جاده سنده نجم استقبال مطبعه سی

عدد ۱۰۶

تصوفی ، دینی ، اخلاقی ، ادبی ، سیاسی جریده اسلامیه در .

سنه ۵

نار واردر نار واردر شو صنع الله قدرتمه
نار موجود نه خلقتلر نه حکمتلر شریعتده
خلوص رمزی چوقدر نسخه عشق حقیقتده
او ترکیک بیان واقف اسرار اولاندن صور
کاخ اشراقندن صاغر زاده

جلال و هی

کثرتک موجی وحدتدر انکار اولنر . وحدتک اثباتی
کثرتک انکارنده ذک افسانده آراملیدر .

غیب وحدتدن ظهور ایتدی : هوایه احد
ایلر اطلاق هویت رمز : الله الصمد

ذات بیچون و چرادر واجب مطلقدر او
« یدرک الابصار » لکن غیر مدرک حقددر او
امر ایدر نور سماوات و زمین : فی المثل
شمسی ممکنمی بزه : آرتق بوتوحیدده جلد

مختصر عقل قصیرجه دوشوندم یاودود
صورت و معناده سنسک جلوه پرداز وجود
ذات غیب الغیبکی اظهاره مرآت ایستدک
کز مخفی هویت پرده سین خاک ایلدک
« کن » دیدک اخفای علم حضرتک سکانه
لا تمیندن ظهور ایتدی تمین کانه
تخم امکان اولمنه بر نور طلوع ایتدی همان
اصل پاک احمدیتدی او نور لامکان

تخم اولدن ظهورده کلدی اعیان بطون
چونکه آنده مندجیدی محشر آرای شتون
شمس ذاتک پرتوندن کلدی یخد ذره لر
کلدی هر بر ذره ن بیکرجه بیک سیاره لر
اولدی هر سیاره دن آویزه لر نور اوزه نور
بولدی هر آویزه دن آینه لر وجه ظهور
بحری بایان هستی که او سنسک شبهه سر
قمرنایاب بطوننده بتون آویزه لر

پرتو انداز تجلی ایلدکجه غیب حق
عکس پرتودن ایدر آثار اسماء انشفاق

طلعت ذاتک شمعاندن کلورلر نیزه لر
درلو درلو رنگ آلور هر نیزه دن آویزه لر
وجه کثرت کوستر هر دم مرایای وجود
آ کلاشلمز چشم کترین ایله بود ونبود

اسم وحدتزار حق ، ظل وجودی د ندر
عکس ایدر آویزه مرآتنده کندن کوستر
کرچه مرئی حقیقی وجودی نقطه در
نقطه جواله ، خط منحنی اولمقده در
خط معدوم ، کثرتی ایهام ایدر آینه ده
صوده بر صورت مثالیدر بو احکام سینه ده
ایشته بو کثرتدر اما هیچ دکدر عین حق
حقد (عین) اولنر ، بوظله شک و اوهای براق
عین وحدت ظن ایدنلر کثرت معدومه یی
فرق و تمیز ایلنلر مسلک آینه یی
عین ظاهر ظن ایدن بو مظهری ، آواره در
چاره بولق ایستیان بو دردینه بیچاره در
زده بو سوزلرده اشعار ایلان او وحدتی
بورده وار عین و معین ، رمز اثبتی
کائنات کتم و عدمدر آنده وارلق سایه در
عین ممکن ظن ایدنلر واجبی ، بیوایه در
سوزاری سوز سولک لازم ، وارلکن بیلمی
سویله مزدن او سوزی ، کندنده تحقیق ایتلی
وحدت مطلقده بحث ایلر ا کرچه عاشقن
اورده محی الدین سکا ویرمن درونندن نشان
بو سوزی سرکدن ا کلا حق سکا سر سولسون
سن فصوص اولده بطونک شرح و ایضاح ایلسون
یوقسه درمان ویرمن اصلا دردکه متن فصوص
جهل وشک و وهمکی مزداد ایدر او باخصوص
کرچه بو میدانده برچوق درلو سوزلر سولنور
کثرتی انکار ایله وحدتی اثبات ایلنور ؟
کثرت اولنر سه ایلدی او وحدتدن کلام
وحدتی کثرتده بولمقددر سر افراز مقام
ذهنه او وحدت سوزندن کثرت ایلر امتیاز
ایشته او آینه کثرتده وحدت جلوه سار
کثرتی انکار دکل ، اقبایه سبی ایت عارف اول
سلک (او ادنا) ی حقدده بویله در راه وصول
کثرتی افا ایله وحدت ثبوت ایلر همان
(لا) ی نفی وجه کثرتدن چکرلر عارفان
بویله عارف وجه حقدده هب فنا فی الله اولور
ایلر آنده سر (لا موجود الا الله) ظهور
کورمک ایسترسه ک ا کر اتوزج اسمی حق
چشم وحدتین ایله کل نشئه انسانه باق
بیلدیکم بو ، بولدیغ بو ، اعتقادم بو بنم
مظاهر صنع خداددر فوزیا جام تنم
فاتح — دراغان مصطفی فوزی